

四庫全書

史部

欽定四庫全書

欽定八旗通志卷一百十四

營建志三

京城營建規制三

八旗倉廩

八旗火藥廠

八旗

八旗倉廩

海運倉在東直門內鞭子衚衕北口外鍊黃旗地方原設廩四十五座內四座六間餘俱五間計二百二十九間空基十六座續增廩四十二座

內廢七座

共八十座堆房七所共八間乾隆元年添厰二十座

舊太倉在朝陽門內正白旗地方原設倉厰四十二座內三座六間餘俱五間計二百一十三間空基二十三座續增厰三十八座共八十座堆子三所共六間乾隆元年添厰九座五十年被焚六座南新倉在朝陽門內鑲白旗地方原設厰三十座內二座六間餘俱五間計一百五十二間空基一

十六座續增殿四十五座共七十五座堆子三所
共六間乾隆元年添殿一座

祿米倉在朝陽坊智化寺西正藍旗地方原設殿

二十五座內二座四間餘俱五間計一百二十三

間內廢二座空基五座續增殿三十四座共五十七座

堆子七所共十一間

此處原係祿米太平二倉康熙四十四年皆歸併為祿米

倉

北新倉在東直門內瓦叉兒衚衕東口正黃旗地

方原設殿四十九座每座五間計二百四十五間
空基八座續增殿三十一座共八十座堆子八所
乾隆元年添殿六座

興平倉在朝陽門內匾擔衙衙南口正紅旗地方
原設殿三十座每座五間計一百五十間空基十
座續增殿五十座共八十座堆子七所乾隆元年
添殿一座

富新倉在朝陽門內北小街鑲紅旗地方原設殿

二十八座每座五間計一百四十間外板廩二座

係大通橋
堆貯板木

空基八座續增廩三十四座共六十四

座堆子五所

太平倉原與祿未倉同設一處康熙四十四年移

設於朝陽門外鑲藍旗地方原設廩十五座每座

五間計七十五間空基一座

今歸併祿
未倉詳後

續建廩八

十座

內十座係大通
橋號房改作

乾隆元年添廩六座

本裕倉在德勝門外清河地方開放

圓明園及鄭家莊二處駐防官兵俸甲米石殿三十座每座五間計一百五十間堆子九所

萬安倉在朝陽門外正白旗地方殿四十二座每座五間計二百一十間堆子五所乾隆元年添殿三座四年奏准將儲濟倉新建殿四十八座歸併管理名曰萬安東倉其舊殿名曰西倉

裕豐倉在東便門外駱駝館共殿六十三座堆子十所共十間

儲濟倉在東便門外謝聖保園地共厰一百零八座堆子八所共十三間乾隆元年所添倉厰已撥入萬安倉管理

豐益倉在安河橋共厰三十座堆子四所共十二間

恩豐倉在東華門北首東夾道乾隆二十八年設厰十二座係沿河官房七十四間改作

通州西倉在新城內原建厰一百九座續增厰九

十一座乾隆二十九年裁去四十九座現存一百五十一座

通州中倉在舊城南門內原建廩六十四座續增廩五十五座乾隆二十六年裁去十一座現存一百零八座

凡堆卸漕米之處設立號房大通橋號房共四十八間朝陽門號房共五十八間通州石堤號房共一百零六間通州土堤號房共六十間

以上倉廩名數坐落

凡倉廩規制每座五間亦有四間六間者每間七
椽六搭椽面濶一丈四尺進深五丈三尺山柱高
二丈二尺五寸簷柱高一丈五尺五寸頂有氣樓
廩底用磚砌墁上鋪木板廩門廩牆俱留下孔以
洩地氣

凡修理倉廩三年一小修五年一大修工價屬戶
部辦料屬工部自錢糧歸併戶部所需料價銀兩

並咨戶部給發

順治九年覆准看倉夫役每名月給米六斗每歲額修倉廩七十五間如遇工作每名日給米一升又題准京通倉廩大修屬工部小修屬戶部如遇大修工部確查勘估措辦物料戶部給發工匠價值如遇小修倉場侍郎酌議戶部給發該倉監督

修理

十七年覆准各倉場基固基俱用磚鋪砌

十八年增建京城等倉廩每廩一座計房五間俱
係七椽六搭明間各造氣樓一座出樓兩搭一間
每廩面濶六丈進深四丈五尺山牆高二丈一尺
長五丈一尺簷牆高一丈二尺長六丈牆根濶七
尺頂濶五尺又砌造圍基每座週圍六丈高一尺
五寸

康熙十八年題准京倉差工部官督修仍差戶部
官一員公同估計其通庫輕費銀兩截充兵餉應

用錢糧戶部支取

雍正二年覆准各倉廩墻垣如有滲漏坍塌之處
監督報明倉場侍郎即親身驗看明白該監督果
能捐修完固俟任滿交代清楚之後倉場查明具
題將實在捐修銀兩數目造冊送部核明交與吏
部照例議叙按銀兩多寡准其加級紀錄以示獎
勵

四年覆准各倉開濬水溝墊土造橋令各監督於

每年二八月中巡視挑濬永為定例不行修築者
題叅議處並行令九門提督飭該地方兵丁禁止
堆積壅滯

又覆准令倉場總督查明現在放空厰座即將現
存板木滿鋪厰底堅固鋪墊如有不敷動支戶部
錢糧採買板木應用嗣後放空厰座俟各省隨糧
解送本色板木到日陸續鋪墊

八旗教場

順治八年題准八旗演武教場各隨旗分建設

十八年改設鑲黃旗教場於安定門外正黃旗教場於德勝門外正白旗教場於東直門外鑲白旗教場於朝陽門外正紅旗鑲紅旗教場於阜成門外正藍旗教場於崇文門外鑲藍旗教場於右安門內各有演武廳

鑲黃旗侍衛教場在東安門內

皇城北牆根正黃旗侍衛教場在西安門內五龍亭

北正白旗侍衛教場在東安門內

皇城南牆根每教場內設房五間抱厦三間

雍正三年七月工部奏准滿洲正紅鑲紅鑲藍三旗蒙古正紅鑲紅鑲藍三旗漢軍正紅鑲紅鑲藍三旗各於教場內建設箭亭一座每座三間給發銀兩委員蓋造本年三月初四日興工四月二十九日完工交與各該旗查收

是年十月兵部議覆據副都統多賽奏稱安定門

外黃寺前教場係八旗操演兵丁閱看軍器及蒙古往來之地臣見小人圖利有在路傍掘土為坯市賣者若不行禁止恐至日久不惟掘傷教場亦且有壞道路况地近城垣有關風水伏祈

勅下嚴行禁止等語查得教場委屬緊要之地又係近城風水攸關應如所請嗣後令步軍統領衙門出示曉諭嚴行禁止仍交派出稽察教場旗員該營武弁及兵馬司官員令其不時巡查若仍有在教場

處掘土者即行拿送刑部從重治罪將該管官一併議處再八旗教場俱近城垣不肖人等希圖取利有掘土為坯市賣者亦未可定相應一併交與步軍統領衙門八旗稽察教場官員及五城兵馬司官員嚴行禁止奉

旨依議

乾隆五十九年查正黃旗教場內有闕臺一座看
亭拜唐阿住房一間奉

古設立石碑一座餘旗各如舊

靜宜園演武廳琉璃正殿一座五間前抱廈三間左
右布瓦朝房各五間俱無匾額正殿後碑砌圓城
一座前券門上嵌石匾刻威宣壁壘四字後券門
上嵌石匾刻志愈金湯四字前券門上琉璃瓦城
樓一座計五間後券門上琉璃瓦城樓一座計三
間內安設石卧碑上刻寶勝寺後記俱無匾額圓
城內左右看守房各三間俱係乾隆二十六年修

建又寔勝寺前琉璃瓦碑亭一座

八旗殿

鑲黃旗殿殿三十五間正白旗殿殿三十五間鑲
白旗殿殿三十五間正藍旗殿殿三十五間俱在
鑲黃旗教場空地

正黃旗殿殿三十間正紅旗殿殿三十間俱在德
勝門內

鑲紅旗殿殿二十三間鑲藍旗殿殿二十三間俱

在阜成門內

鑲黃旗礮廠在栢林寺東教場口

正黃旗礮廠原在德勝門新街口內蔣家坊地方
康熙四十六年五月移在西直門內樺皮廠地方
棚內存貯四十七年三月即在樺皮廠地方修造
礮局存貯礮位

正白旗礮廠在東直門內北新橋栢林寺東邊貯
礮房屋計四十八間

正紅旗礮廠原在新街口將養房地方康熙四十六年移在西直門內樺皮廠地方

鑲白旗礮廠在北新橋栢林寺東教場地方係康熙二十四年工部修葺二十五年初立礮局

鑲紅旗礮廠在宣武門內城隍廟北

正藍旗礮廠在北新橋栢林寺東遶康熙二十五年工部修葺自本年起本旗礮位俱在此局內收貯

鑲藍旗礮廠在宣武門內城隍廟北

康熙二十年正月工部尚書朱之弼題准神威將軍礮二百四十位俱已造完八旗各分給三十位每旗造房十五間各面濶一丈二尺深一丈五尺令其收貯

二十四年三月工部尚書薩穆哈等題准鑲黃正白鑲白正藍四旗收貯礮車等項房每旗大門一間正房九間廂房二十六間共蓋造房一百四十

四間

滿洲火器營城內八旗礮廠乾隆二十九年設
鑲黃旗在大興縣南邊房四間

正黃旗在德勝門內西中心臺房五間

正白旗在東四牌樓北七條衙衙房五間

正紅旗在阜成門內馬市橋北溝沿房十一間

鑲白旗在崇文門內東城根中心臺房十一間

鑲紅旗在宣武門內單牌樓邱子衙衙房五間

正藍旗在崇文門內大羊毛衚衕房七間

鑲藍旗在宣武門內西斜街玉皇廟房六間半

八旗火藥廠

鑲黃正黃二旗火藥廠十二間在安民廠

正白正紅鑲白鑲紅正藍鑲藍六旗火藥廠二十
間在天壇後

康熙十年十一月工部尚書吳達禮等議准正白
等六旗堆貯礮藥庫房二十二間大門三間年久

將頽貯藥在庫不便修理將廠外大門三間廠內
小門一間圍牆造砌先於庫傍餘地造庫十間搬
貯火藥再拆卸舊庫木料磚瓦造庫十間全移火
藥堆貯其庫房照舊七標大門六標共計蓋造庫
房二十四間

康熙三十一年九月工部尚書沙木哈查得城上
新造收貯火藥房一百四十六處修理舊房九十
九處共計七百三十五間交與管工員外郎石流

柱修造工完

八旗火藥廠先經設立德勝安定二門外收貯火藥康熙三十一年房屋倒廢將存貯火藥奏明移在濯靈廠各門城上收貯所有空地三塊雍正六年八月又經奏明交與內務府查收

欽定四庫全書

欽定八旗通志卷一百十五

營建志四

京城營建規制四 八旗學舍

八旗學舍

順治十年四月工部尚書臣劉昌等議覆工科爰
惜剝庫哈番散多題准各旗設立宗學以昭

皇恩王成宗室之至意其設立書院之處該臣等備查會

典開載親王冊封外藩工部題明遣官營造府第
內有書院一所具郡王宗室以下止各給房價聽
其自造今議親王以下宗室建立宗學或臣部酌
量給與工價或令其自行建造統候

聖裁奉

諭旨建立宗學著量給工價聽其自行修造

雍正二年奉

上諭宗室學房左右二翼著各立一所左翼給房一百三

間右翼給房九十二間

是年五月工部議覆准禮部文開宗室讀書之處
應於公所設立學堂二所其八旗分左右翼每翼
各於公所設立學堂二所其學堂於兩翼現有官
房內令該管處奏

聞撥給六所交工部修理書桌椅檯等項亦交工部置辦
奉

旨依議行文該管處奏

聞撥給學房行文到部之日有修理之處派員修理其書桌
椅檯等項照依來文辦送

多羅順承郡王等題稱所立宗學房屋臣等親身閱
看將應修之處臣衙門派官料估領請工部錢糧
修理將所用錢糧核算題銷等因奉

旨依議

左翼宗學生坐落東四牌樓燈市口東史家衙街西
口雍正二年初設房八十八間十二年果親王奏

交工部修理乾隆十八年修理拆去房十九間三
十六年誠親王奏明動撥宗人府年例

恩賞庫銀兩交本學會同宗人府衙門司員修理添蓋
房二間現共房六十四間

右翼宗學於雍正三年初設在西單牌樓北口石虎
衚衕共房八十八間乾隆十九年移設於絨線衕
衕內板橋迤東共房三十六間二十八年簡勒親王
奏准交內務府修理

以上八旗宗學房舍

雍正七年

上諭八旗內覺羅佐領或有或無向未畫一今既將下五旗覺羅佐領由各該王屬下撤出作為公中佐領朕意均派八旗方為妥協前者宗人府設立宗學祇令教習宗室尚未及於覺羅覺羅人衆今若一概歸併宗學教習者勢難遍及應每旗各立一衙門管轄覺羅或王或公派委一員統理令其於各該旗覺羅內揀選老成練

達品行端方者一二人分管卽於該旗衙門之旁設立
一學除情願在家學習者外擇其可教之人令其讀
書學射滿漢兼習所派出之管轄人員不時訓誨稽察
如內有行止不端不知守法安分者卽回明宗人府王
等今在該旗衙門居住學習禁止出門俟其改行遷善
之後再回明宗人府王等始許出門年底彙疏具題如
此則於覺羅少年子弟大有裨益而人人皆可成就著
宗人府王公等會同滿洲大學士六部尚書詳悉議奏

特諭

是年十二月宗人府王公滿洲大學士六部尚書
等議覆我

皇上御極以來睦族敦宗教養備至俯念覺羅等雖世系
稍遠亦出自

天潢是以由該王屬下撤出置之公中佐領茲又

特命將七旗所有之覺羅佐領均之於八旗每旗各設一
學令其讀書得以成就

恩德之隆實為備至查七旗所有覺羅佐領共三十二分
鑲黃旗七分正黃旗五分正白旗無有正紅旗七
分鑲白旗五分鑲紅旗四分正藍旗二分鑲藍旗
二分今應就便視其可移者每旗置為覺羅佐領
四分將鑲黃旗七佐領內之佛保永昌阿堵鑲白
旗之海蘭此四佐領移置正白旗正藍旗惟有覺
羅佐領二分將鑲藍旗之永祿同保住此二佐領
移置正藍旗共成四分將正黃旗之東武立正紅

旗之得進圖爾得黑馬喇熙此四佐領移置鑲藍旗再八旗各擇官房一所立為衙署旁設清漢各一學八旗覺羅內自八歲以上十八歲以下子弟俱令入學讀書其中有情願在家讀書者聽其自便其入官學讀書者清漢隨其所願而教之如十八歲以上已曾讀書而又願入學讀書者亦准其入學至十八歲以上未曾讀書者不可竟無教訓於每月朔望傳集該旗公署宣講

聖諭廣訓總管一旗覺羅等之王公由宗人府將王公等

職名開列奏請

欽點每旗泳覺羅二人以為督教之長即交委出之王公等會同宗人府王公等務擇其能管轄人去得者挑取由各部院現任筆帖式內擇其人老成能緒譯者揀選八人每旗各分一人教授清書由禮部揀選教習八人每旗各分一人教授漢書再行文兵部將現在十五善射或已退之十五善射內無論

官兵揀選八人每旗各分一人令其教射於學舍
院內修一習射之地令覺羅等於誦讀之暇兼以
習射所選督教之長十六人令其每日在學行走
讀書之覺羅等有怠惰不學者各學之長即嚴加
訓飭若不悛改即回明該旗管轄之王公等嚴加
訓責如有甚劣者報知宗人府拘於本旗衙署內
教訓不准出外行走即不讀書之覺羅內有行為
妄亂者亦拘於衙署之中教訓不准出外行走俟

痛加後改之時告知宗人府始行放出由宗人府
彙集奏

聞再讀書之覺羅等若不時加考課則優劣不分無以懲
勸令該管之王公等於每年春秋二季親身考驗
分別等第報知宗人府登記檔案如所學之書及
騎射俱優者奏

聞引

見擢用則劣者自知退勉效法各加奮勵而學業可成矣

至讀書之覺羅及督教人等每月各給公費銀二兩其米石紙筆墨水炭等物俱照宗學之例行文各該部領取教清書之筆帖式教漢書之教習等亦照宗學之例教習三十六個月期滿行文吏部照例補用如懶惰不勤者咨送該部革其職銜如有多教三年者將其多教三年之處一併咨部議叙再各學之覺羅有進文生員及繙譯生員至四人者將教清漢書之教習等亦交該部議叙其教

射之人亦照筆帖式給與公費其衙署學舍著各該旗揀擇足用之官房一所委員會同派出之覺羅學長估計領取官房租銀修理報部核銷再每旗挑馬甲各二名以為傳事之用覺羅等讀書五年如果成就多人著宗人府詳查奏

聞將該管之王公議叙派出之學長等如果勤慎教導令該王公等報知宗人府另行保奏教射之人俟過五年交各該旗於伊等應陞之缺即用如怠惰不

勤即參奏治罪如此則教習人等各得勤於訓導而讀書之覺羅等學業可成矣奏入奉

旨依議

鑲黃旗覺羅學係官房一所共五十一間坐落安

定門大街香兒衚衕雍正十年八月建設

正黃旗覺羅學係官房一所共六十一間坐落西

直門內北衚衕雍正十年八月建設

正白旗覺羅學係官房一所共四十五間半坐落

朝陽門內南小街新鮮衚衕雍正十年八月建設
鑲白旗覺羅學係官房一所共三十二間坐落東
四牌樓大街路東十條衕衕雍正十年八月建設
正紅旗覺羅學係官房一所共五十五間坐落阜
成門朝天宮內中廊下雍正十年八月建設

鑲紅旗覺羅學係官房一所共四十三間坐落宣
武門內象房橋西承恩寺街雍正十年八月建設
正藍旗覺羅學係官房一所共五十三間坐落王

府大街路西阮府衙衙雍正十年八月建設

鑲藍旗覺羅學係官房一所共四十五間坐落阜

成門南玉帶衙衙雍正十年八月建設

以上八旗覺羅學舍

雍正七年奉

旨於咸安宮設立官學其

咸安宮坐落

壽康宮後長庚門內乾隆十六年恭逢

皇太后六旬萬壽改建

壽安宮將官學移於西華門內北邊共房二十二間其

咸安宮

咸安門匾額即移於官學大門懸掛乾隆二十五年
復移於西華門內北邊器皿庫共房二十七間其
舊官學改為衣庫其匾額仍在該處懸掛四十四
年拆去房三間添蓋房七間

以上咸安宮學舍

康熙二十四年四月

諭內務府令見內府佐領人員善射及讀書善文者甚少
可專設學舍選可教之人令其學書習射優者錄用劣
者罷黜學舍應立於朕常見之處俾學習之人黽勉肄
業

二十五年奉

聖諭於北上門兩傍所有官房三十間設立滿漢學房

以上景山官學房舍

順治元年十一月國子監祭酒李若琳疏言近奉
諭旨滿洲官員子弟成就學肄業而臣衙門僻在城東北
隅諸子弟往返晷短途遙臣等議得滿洲八固山
地方各覓空房一所立為書院將國學二廳六堂
教官分教八旗子弟各旗下設學長四人俱就各
旗書院居住朝夕誨迪臣等不時親詣稽察勤惰
仍定於每月逢六日各師長率子弟同進衙門臣
當堂考課以示懲勸下禮部議行

二年題准滿洲子弟就學肄業分為四處

康熙七年十月禮部尚書郝維訥等具題為咨請

代題修理官學房事該臣等議得國子監呈稱鑲

黃旗正白旗正紅旗官學房舍於今年大雨連綿

俱行倒塌已經移咨工部覆稱係該旗自行修理

本部無修官學房之例在案及移文該旗都統又

稱應工部修理但八旗官學房原係部給肄業伏

乞代題

勅下該部修理以便官學生肄業等語查官學房係官學生肄業之處今據該監呈稱盡行倒塌工部雖從無動用錢糧修理之例但無學房恐於學業有悞相應請

勅工部修理奉

旨依議

十年十一月工部尚書吳達禮等議覆國子監疏稱鑲白旗官學房三間俱被倒塌仰祈

勅部照修造鑲黃旗正白旗正紅旗官學房之例修造以便官學生肄業等因查康熙七年十月內禮部具題鑲黃旗正白旗正紅旗倒塌官學房舍經臣部議准盡行倒塌房每間給錢一十五千其倒塌半邊並歪斜房每間給錢七千五百文交與該旗助教自行蓋造修理在案今鑲白旗官學房三間國子監既稱俱被倒塌應照例每間給錢一十五千共給錢四十五千交與該旗助教自行蓋造奉

旨依議

十一年正月工部尚書吳達禮等題准國子監鑲藍旗漢軍官學房廂房三間倒壞檁椽磚瓦等項俱已拆碎又滿洲官學房正房一間半漢軍官學房正房三間俱歪斜將塌照例給錢交與該旗助教自行修理奉

旨依議

十二年八月工部尚書吳達禮等具題為更換官

學以使誦習事該臣等議得國子監祭酒宜昌阿等疏稱現在正白旗官學房舍倒塌查從前各旗官學俱撥在寺廟蓋造學房肄業今查正白旗地方演武場傍空廟一所可以蓋造學房將現在學房變價於空廟院內蓋造庶官學生肄業得所等因查得正白旗舊教場地方原有空廟一座臣部差官驗看正白旗官學倒塌房三間半其現在學房亦窄狹損壞難以肄業是實相應交與該旗助

教等將現在學房變價在此廟內自行酌量蓋房肄業如錢糧不足臣部查核添給奉

旨依議

雍正五年十月康親王果郡王會同工部議覆國子監祭酒孫嘉淦條奏八旗設立官學內一條議得八旗學舍乃諸生誦習之所今每學止三四間一旗三學共十三四間不等實屬狹隘應將現今官學房交還各該旗查收每旗另給官房一所二

十餘間量可容百人誦讀者著本旗修理俾諸生聚處其中則學舍寬適便於誦讀矣奉

旨依議

鑲黃旗官學坐落圓恩寺衙內坐北向南共房三十七間

正黃旗官學坐落西直門大街新街口公用庫地方共三十一間

正白旗官學坐落東四牌樓南小街新解衙內

共房二十八間

正紅旗官學坐落阜城門內巡捕廳衙衙共房四

十七間

鑲白旗官學坐落東單牌樓象鼻于坑共房三十

五間

鑲紅旗官學坐落宣武門內頭髮衙衙共房四十

八間

正藍旗官學坐落崇文門內單牌樓北街東新開

路共房三十五間

鑲藍旗官學坐落宣武門內乾石橋東口內共房

四十間

以上國子監八旗官學房舍

世職幼官學係乾隆十八年設每翼學舍二處

欽派大臣管理

鑲黃旗正白旗同在安定門交道口共房二十八

間

鑲白旗正藍旗同在朝陽門內乾麵衚衕共房三十二間

鑲紅旗鑲藍旗同在宣武門內單牌樓北共房二十五間

正黃旗正紅旗原設於阜城門內驢肉衚衕乾隆二十六年因回子貝勒霍吉斯住房狹小將學房撥給居住移設本學於西直門內大街高井衚衕對過共房十五間

以上幼官學舍

雍正元年議准教場內蓋造八旗兵丁子弟學舍
各五間

七年正藍旗副都統正叅領阿祿奏准設立各旗
甲喇學舍教習本旗養育兵幼丁弓箭滿蒙話

雍正十年

上諭圓明園兵丁朕從前未經細看此次朕往觀大閱細
看沿途站立管道之圓明園兵丁氣象較前甚優圓明

園之八旗及內府三旗賞給教習令伊等子弟學習漢書著果親王等議奏特諭

是年四月果親王允禮等議覆八旗及內府三旗營房向因地勢建造故相隔遠近不一今蒙

聖恩設立學舍當視營房之遠近建造查得鑲黃正黃正

白鑲白此四旗營房相近應造學舍一所設教習

二名正紅鑲紅此二旗營房相近應造學舍一所

設教習一名正藍鑲藍此二旗營房相隔甚遠不

便設立一學每旗各應造學舍一所各設教習一
名具內府三旗既同一營房應造學舍一所設教
習一名共造學舍五所挑取教習六名其教習於
八旗及內府生員內擇其能訓誨者六名令為教
習著四年一換每月給伊等錢糧二兩每年三季
共給米二十一斛二斗其中如有善於教訓誠屬
優等者咨行吏部即以筆帖式補用其平常者駁
回該旗其教誨甚劣者將生員革退其缺另行挑

取

奏入奉

旨依議

鑲黃旗在安定門內共房二十五間

正黃旗滿洲在十剎海北大橋北魏兒衚衕羊房

衕衕四處共二十二間蒙古原在武王侯衕衕共

房七間半乾隆三十九年將馬圈四間改作學舍

以舊學舍取租

正白旗在朝陽門內南小街竹竿巷共房三十一間乾隆三十七年買置

正紅旗滿洲蒙古在阜成門內西廊下共房二十五間漢軍在上岡地方共房十一間

鑲白旗滿洲蒙古漢軍在東四牌樓柵欄街計房十一間

正藍旗在大方家街牛角灣西褲子街趙家樓五處共房十九間半

鑲藍旗在西長安門草帽衙衙共房九間

健銳營學舍乾隆四十年大學士忠勇公傅恒奏
添派八旗官學教習八名其教習咨行吏部由緒
譯生員監生內考取三年期滿教導有成咨行吏
部入於議叙班以筆帖式補用

五十年吏部奏准八旗官學教習現遺之缺勿用
咨行吏部調取查禮部現有考取候補宗學覺羅
學

咸安宮學及國子監八旗官學各教習人數甚多應
可調補俟三年期滿仍咨吏部入於議叙班內以筆

帖式補用

謹案此項官學俱未給房
即由兵丁房內摘借設立

雍正三年四月工部議覆禮部咨內務府文開遵
奉

恩詔設立八旗秀才童生學舍分為四處將安定門大街

內官房十九間觀音寺絢術內官房二十間給與

左翼作為學堂武定侯衙內官房二十四間半
兵部窪官房二十間給與右翼作為學堂

六年十一月禮部為遵

旨議奏事准鑲黃旗滿洲都統咨稱鑲紅旗滿洲都統
魚理鑲藍旗三旗事務和碩果親王等謹

奏該臣等會議得副都統韓光基條奏設立義學一
疏欽惟我

皇上敦崇文教以作養人才為重立學教誨誠造就童蒙

之至意也。今八旗入學讀書者，每旗不過數人，且有總不到學堂者。皆因兩旗合立一學，而兩旗之人俱在各處散居，其住址甚遠之生童，因遇寒天雨水，是以行走維艱。應如韓光基所奏，將八旗現有之官房酌量足用者，挑選四所，添設學堂四處，令八旗各立一學。倘有隔旗居住，情願就近入別旗學堂讀書者，亦准其讀書。如此則肄業諸生既無遠涉之勞，而教習亦得盡心訓誨矣。奉

旨依議欽此欽遵行文各該旗查明左右兩翼現在四處
學堂指定某處為某旗學堂報部外再將各旗所
有官房量其足用者各選擇一所添設學堂四處
指明坐落分晰旗分以便移咨工部派員修理

左翼四旗義學

鑲黃旗義學安定門大街官房十九間

正白旗義學豆腐巷官房二十一間半

鑲白旗義學觀音寺衙衙官房二十間

正藍旗義學崇文門內小石柵官房十四間

右翼四旗義學

正黃旗義學西直門內毛角灣衙官房九間半

正紅旗義學武定侯衙官房二十四間

鑲紅旗義學兵部窪官房二十間

鑲藍旗義學西長安門草帽衙官房九間

旨裁

謹案八旗兩翼義學房舍乾隆二十七年奉

以上八旗兵丁學舍

欽定八旗通志卷一百十五

欽定四庫全書

欽定八旗通志卷一百十六

營建志五

八旗駐防規制一

京都駐防 各省駐防

京都駐防

京師九門外駐防雍正六年設除正陽門外有巡捕營兵看守不設旗兵看守外其崇文門等八門於沿河空閒處修造房屋於各滿洲蒙古漢軍三旗

派章京四員驍騎校四員馬甲二百名挈家移住
蓋給章京房屋每員八間驍騎校每員五間兵丁
每名二間城門附近各修造堆子房八間

乾隆二十七年奏准各營房添官廳三間學房三
間

滿洲火器營乾隆二十九年設城內城外八旗營
房官員房一千零四十一間兵丁房六千零三十
八間公館檔房官學等共房一百一十五間城內

八旗每旗礮五位各有貯礮營房

健銳營乾隆十五年設翼長二員委署翼長二員
前鋒叅領八員副前鋒叅領十六員委前鋒叅領
三十二員前鋒校一百員前鋒二千名副前鋒校
四十員筆帖式八員藍翎長一百名委前鋒一千
名養育兵五百名四十一年添番子佐領一員驍
騎校一員領催四名馬甲錢糧番子八十一名五
十三年又添番子防守尉一員番子驍騎校一員

十三年蓋給官兵房屋三千五百一十間內翼長二所
十三間前鋒叅領八所每所十三間副前鋒叅領
八所每所十間前鋒校五十所每所六間前鋒一
千所每所三間又印務公所四十一間碣樓六十
六座十九年蓋給官兵房屋二千一百二十八間
內委前鋒叅領十六所每所八間委前鋒一千所
每所十二間二十九年蓋給官兵房屋三千四百
八十四間內前鋒叅領八所每所十三間副前鋒

叅領八所每所十間前鋒校五十所每所六間前
鋒一千所每所三間五十六年蓋給房屋九十間內
委署翼長二所每所十三間委前鋒叅領八所每
所八間又是營房所設戰船水手官員迭有增損
現存戰船四隻水手四十八名委署千總把總各
四員官房堆房共一百二十六間

圓明園八旗駐防雍正二年設共蓋房一萬間分為
八處每處一千二百五十間每處護軍叅領一員

住頭等房一所十三間護軍副叅領二員住二等房二所各十間護軍委署叅領四員住三等房四所各八間護軍校十員住房十所各六間護軍三百七十五名每名住房三間

乾隆十二年每旗增護軍一百名各添房三百間
圓明園已衣三旗駐防雍正二年設每旗護軍叅領一員各住房十二間每旗侍衛委署叅領一員各住房十間每旗護軍校委署叅領一員各住房八

間每旗護軍校三員各住房六間每旗護軍四十
名各住房三間共蓋房五百零四間

左翼四旗

鑲黃旗營房坐落樹村西邊

正白旗營房坐落樹村東邊

鑲白旗營房坐落水碾

正藍旗營房坐落保福寺

右翼四旗

欽定四庫全書

欽定八旗通志
卷一百十六

正黃旗營房坐落蕭家河

正紅旗營房坐落安河橋

鑲紅旗營房坐落東四木村東邊

鑲藍旗營房坐落藍靛廠西邊

包衣三旗營房坐落水碾前邊

八旗及包衣三旗每處教場內蓋箭亭三間

各省駐防一

盛京駐防將軍衙署在撫近門內天聰六年設立六

部時為吏部衙門順治元年遷

都裁改康熙十三年重修為鎮守奉天等處將軍衙署新舊共房五十六間倉十間在城內西南隅火藥庫十三間在城外瀋水南

奉天府城週圍九里三分康熙十四年於城內設內倉三十間通濟倉一百間太平倉七十間新倉三十間南館倉五間於城外置草廠一座教場一處其八旗兵丁官房鑲黃旗滿洲四佐領下共二

百二十二間蒙古二佐領下共九十六間漢軍三
佐領下共一百六十八間正黃旗滿洲四佐領下
共二百二十四間蒙古二佐領下共九十六間漢
軍三佐領下共一百六十六間正白旗滿洲四佐
領下共二百二十四間蒙古二佐領下共九十六
間漢軍三佐領下共一百六十六間正紅旗滿洲
四佐領下共二百二十四間蒙古一佐領下共五
十六間漢軍三佐領下共一百六十六間鑲白旗

滿洲四佐領下共二百二十四間蒙古一佐領下
共五十六間漢軍三佐領下共一百六十八間鑲
紅旗滿洲四佐領下共二百二十二間蒙古一佐
領下共五十六間漢軍三佐領下共一百六十八
間正藍旗滿洲三佐領下共一百六十八間蒙古
一佐領下共五十六間漢軍三佐領下共一百六
十八間鑲藍旗滿洲四佐領下共二百二十二間
蒙古一佐領下共五十六間漢軍三佐領下共一

金少... 卷一百一十
百六十八間總共兵房三千六百三十六間三十年於左右兩翼設官學二處學房各十間由

盛京工部撥給

乾隆元年設宗室覺羅二學宗室學房二十六間
覺羅學房十八間五十九年現存將軍衙署大堂
三間穿堂三間儀門三間大門三間南耳房二間
戶司房十二間兵司房十間刑司房三間工司房
五間繕寫摺本房三間步營司房五間番子司房

四間印庫三間檔庫四間俱係原設其大門房二
間東耳房三間司務廳三間接濟官兵銀兩處房
四間砲房二間當月房一間賞銀庫六間又渾河
南教場房八間邊城內教場一處房三間俱係乾
隆三年至三十四年陸續添設兵丁房屋于乾隆
三十八年將軍增海奏明變賣七百四十五間五
十年將軍公宗室永璋又奏賣一千八百九十七
間現存九百九十四間火藥庫陸續添房二十一

開左右兩翼官學於三十二年作為將軍住房移
其學于協領署內

興京駐防自

太祖

太宗時始設城週圍三里半康熙三十四年建造城守尉
衙門三間在城內教場在城外兵丁住房共八十
間原有倉廩八間五十二年添蓋十間又草廩一
座

東京駐防天命六年建城週圍六里六十步高三丈五尺號曰東京天命十年遷瀋陽是為

盛京遂於東京設城守章京康熙二十年城守移駐
金州

遼陽駐防城週圍十五里一百八十步康熙三十年設立衙門十間倉四十間在城內大街南隅城南門外二里設立教場一處三十年設立火器營兵丁官房二百一十間雍正六七兩年添蓋倉二

十間

乾隆三十八年將軍增海奏准變賣兵房五十九間五十年將軍宗室公永璋又奏賣六十一間其城垣於四十三年奉

旨重修外皮用磚裡皮山石成造圍長二千六百二十四丈六尺

牛莊駐防天聰六年設城週圍二里四十步城內建立衙門學舍雍正十一年修造倉廩二十間乾

隆三十年添蓋倉廩三十間

蓋州駐防城週圍六里一百二十步設立衙門三間倉廩二十間俱在城北學舍一處在南門大街西教場一處在東門外兵丁住房六十間

乾隆四十二年因舊城坍塌奉

旨重修外皮用磚裡皮山石成造圍長九百八十四丈九尺八寸原有兵房於五十年奏准變價十二間添蓋教場房三間添蓋倉十間

鳳凰城駐防康熙二十六年設城週圍二里城內
設立衙門十二間倉十間兵丁官房二百二十間
乾隆二十六年蓋教場房三間三十年添倉房七
間四十三年奉

旨重修舊城外皮用磚內皮山石成造圍長四百二十
丈零五尺

廣寧縣駐防城週圍十四里一百七十步順治十
七年設立衙門所屬巨流河白旗堡小黑山閭陽

驛四處駐防康熙二十九年始設

乾隆六年蓋倉厰三十間四十三年奉

旨重修舊城外皮用磚內皮山石成造圍長二千零五十二丈六尺

巨流河原有土城乾隆四十三年奉

旨重修外皮用磚裡皮山石成造圍長五百九十六丈一尺

彰武臺邊門一座坐東南朝西北瓦房一間官廳

三間康熙十八年建立

義州駐防城週圍九里十三步

太宗皇帝初定錦州時建立衙門一所後改為城守尉衙

門乾隆六年蓋倉廩二十五間四十三年奉

旨重修舊城外皮用磚內皮山石成造圍長一千六百

六十三丈九寸原設兵房一百四十四間於三十

八年將軍增海奏准變價二十四間五十年將軍

宗室公永瑋奏准變價四十間現在八十間教場

一處在西門外

清河邊門及白土廠小門駐防康熙十五年始設
九關臺邊門一座坐南朝北瓦房一間公所三間
檔房三間班房三間康熙十八年設立乾隆五十
五年河水漲發邊門等項房間冲刷坍塌將軍宗
室嵩椿等會同奏明動

帑於原邊門之西地勢高埠照原建房間數目重新
建立

開原縣駐防康熙十八年設城週圍十三里二十步城守尉衙署在城內二十七年於東門外二里設立教場三十二年建倉廩二十間乾隆三十年添蓋倉房五間原有兵房二百九十間三十八年奏准變價二百三十四間五十年又奏變價二間其城垣於四十二年奉

旨重修外皮用磚裡皮仍用土牛圍長二千二十五丈九尺一寸

法庫邊門駐防康熙元年設

鐵嶺縣駐防康熙二十九年設城週圍四里二百零十六步衙門學舍礮場未設乾隆四十三年奉旨重修舊城外皮用磚裡皮山石成造圍長七百六十六丈九尺七寸

撫西城駐防乾隆四十三年奉

旨重修舊城外皮用磚裡皮山石成造圍長五百二十五丈一尺城門二

海城駐防原有舊城於乾隆四十三年奉

旨重修外皮用磚裡皮山石成造圍長一千一百二十

一丈城門五

錦州府駐防城週圍五里二十步東闕三面週圍
十里城東南十里設教場一處康熙十四年設立
城守尉衙門十七年增設副都統衙署二十間三
十一年設倉廩二十間雍正二年增倉廩四十五
間乾隆四十三年奉

旨重修舊城外皮用磚裡皮山石成造圍長一千一十六丈八尺三寸設學房六間係裁汰大凌河羣牧總管衙門筆帖式所改蓋教場房六間錦州所屬有小凌河寧遠中前所中後所駐防四處俱康熙年間分設

小凌河駐防界在大凌十二里許土門子地方因其地曠野設兵防範乾隆元年蓋房四間

寧遠駐防舊有土城一座倉廩二十間其城於乾

隆四十三年奉

旨重修外皮用磚裡皮用山石成造圍長一千三十八丈二尺八寸

中前所中後所皆舊有土城俱於乾隆四十三年奉

旨重修外皮用磚裡皮山石成造中前所城長六百六十四丈二尺九寸中後所城長八百三十六丈七尺七寸

新臺邊門一座坐東朝西瓦房一間班房三間康熙十四年建立

白石嘴邊門一座坐東朝西瓦房一間班房三間康熙十四年建立

松嶺子邊門一座坐東朝西瓦房一間班房三間康熙十四年建立

梨樹溝邊門一座坐東朝西瓦房一間班房三間康熙十四年建立

明水塘邊門一座坐東朝西瓦房一間班房三間
康熙十四年建立

金州駐防城週圍五里二十步小東關三面週圍
二里城內設立倉廩十五間城東南二里設立教
場一處乾隆三十年添倉廩十間四十三年奉

旨重修舊城外皮用磚裡皮山石成造圍長一千零六
十七丈七尺

金州水師營駐防康熙五十四年蓋兵營房一千

三百四十四間五十五年設立衙門

熊岳駐防城週圍三里一百零二步於城內設立衙門三間兵丁住房二百一十二間雍正十一年設倉廩十間乾隆十年將原建協領衙門一所十一間奏准改為副都統衙署三十年增倉廩十間復州城駐防康熙二十六年設城週圍四里於城內修建衙署三間倉廩十間陸續設兵房一百二十八間乾隆三十八年奏准變價兵房九十五間

四十二年添倉廩六間四十三年奉

旨重修舊城外皮用磚裡皮用山石成造圍長九百十
一丈三尺蓋教場房三間

岫巖城駐防康熙二十六年設城週圍一百六十
六步城內設立衙門三間倉廩二十一間南門外
設立教場一處兵丁住房二百二十間乾隆四十
三年奉

旨重修舊城外皮用磚裡皮山石成造圍長四百四十

七丈三尺蓋教場房三間

旅順口駐防康熙五十五年奏准設立水師營造
給協領佐領等官衙署共一百四十四間兵丁水
手房屋共一千二百四間皆坐落旅順口北金州
所屬八里庄地方乾隆十三年設炮臺三座火藥
局一間堆房三間十九年裁汰水手領催兵四十
名所住房八十間內除旗下辦事公所及兵丁等
操演教場等項用房二十二間外尚餘房五十八

間令官兵子弟衆多者居住蓋教場房三間炮房
軍器庫房一所九間收貯木料庫二所十四間官
廳一所六間汎兵居住堆房二所十六間

謹案以上駐防俱
盛京將軍所轄仰見

國家肇造區夏式廓

皇圖

盛京

興京實為根本重地自

列聖相承設鎮分防星羅棋布既已固奕葉之苞桑開萬

方之環拱我

皇上御極以來於各處城垣復重加修造以至衙房倉
舍積久愈增斯則

統緒之垂丕基之厚尤足傳之永永無極者矣舊志同
吉林黑龍江等處俱列於順天之後外省之前殊
失體制今改移於此以昭慎重其東京一處雖已
遠於

盛京並官屬已移駐金
州今亦仍存其舊云

吉林烏喇駐防康熙十三年設城週圍一千四百
五十一丈計八里半十五年蓋造官員衙署二十
八年蓋造倉廩二十間三十二年蓋造左右兩翼
學舍各一所三十九年添蓋倉廩二十間設立教
場一處離城北二里週圍六里雍正五年設立副

都統衙署三十間又每年派往辦事官員衙署十
七間雍正五年鑲黃旗建造義倉三間九年添修
四間十二年添修三間雍正七年正黃旗建造義
倉三間九年添修三間十一年添修三間雍正五
年正白旗建造義倉三間八年添修三間十二年
添修六間雍正六年正紅旗建造義倉三間七年
添修三間十二年添修三間雍正五年鑲白旗建
造義倉三間七年添修三間十二年添修二間雍

正六年鑲紅旗建造義倉三間九年添修三間十
二年添修三間雍正五年正藍旗建造義倉三間
七年添修三間十二年添修三間雍正五年鑲藍
旗建造義倉三間八年添修三間十二年添修三
間俱建造在城東北角六十間官倉地址內雍正
十年添設軍器庫二間在衙署內右邊雍正十三
年添設火藥局三間在城北三里乾隆五十九年
現存將軍衙署一百零二間將軍住宅六十四間

副都統衙署住宅共四十二間兵丁住房二百零八間永寧倉七所六十四間太平倉六所六十間左右翼義倉各十六所每所三間水手營義倉二所七間教場房二十一間火藥廠正房六間東西板棚各三間官學房十四間又蒙古學房三間以上各房俱原係兵力先後修建乾隆七年以後遇有坍塌皆動用官項修理理事同知衙署坐落北門內巡檢衙署坐落同知署東儒學坐落文廟西

三署共房六十九間

吉林城北七十里打牲烏拉駐防設協領衙署十
五間義倉十五間教場演武廳三間原係兵力修
建乾隆七年以後動用官項修理

吉林城西二百八十里益通河駐防設佐領營房
四間義倉六間原係兵丁修建乾隆七年以後用
官項修理

吉林城東三百五十里俄木和索諾駐防設佐領

營房九間演武廳三間原係兵力修建乾隆七年以後用官項修理

吉林邊門四處巴拉山邊門在城西北四百六十里赫蘇邊門在城西北三百八十里益通邊門在城北二百八十里巴延俄佛洛邊門在城東北一百八十里各有邊門一間辦事檔房三間每邊門設邊臺七處每處立義倉三間皆原係兵力修建乾隆七年以後用官項修理

吉林城西設驛站八城東設驛站十城北設驛站
十每站設義倉三間又城東烏拉站設有渡船水
手義倉三間皆原係兵力修建乾隆七年以後動
用官項修理

寧古塔駐防康熙五年十二月工部議准寧古塔
所有舊城是椀木隔石築造年久頽塌應酌量本
處派夫照舊修理計城週圍五百八十五丈於城
內蓋給官員衙署三十二年蓋造左右兩翼學舍

各一所教場離城東三里週圍四里乾隆五十九年現存副都統衙署三十六間住宅十一間馬棚十五間東西廂房各三間正房五間倉廩一處四十間義倉一處三十二間教場房三間火藥庫一間左右翼學舍各三間

白都納駐防康熙三十二年蓋造官員衙署又左右兩翼學舍二所各三間建設城垣週圍一千三百五十丈計七里半三十三年蓋造倉廩十間雍

正六年添蓋倉廩十間十年建設義倉十間十二年添設義倉五間教場在南城外一里週圍四里乾隆五十九年現存副都統衙署坐落城中二十四間住宅坐落衙署西南二十五間辦理蒙古事務委署主事衙署十六間倉廩三十間又義倉二十六間教場房三間火藥庫一間俱係兵力先後修建乾隆七年以後動用官項修理

三姓駐防康熙五十四年寧古塔副都統馬齊疏

請三姓地方建造城垣因虎爾哈所有舊城年久頽塌兵丁難以居住詳看舊城西邊地勢平坦可以築造隨經工部議准照白都納例築造土城週圍一千二十六丈計五里七分城內蓋給官員衙署雍正五年蓋造學舍教場離城一里週圍四里又於十三年在法爾太地方設立官莊五座壯丁五十名內五名係寧古塔舊官莊挑選諳練耕種之人令為頭目其四十五名係累年發遣人丁內

挑選每莊安插十名每丁給房二間共蓋房一百
間乾隆五十九年現存副都統衙署四十四間住
宅二十二間倉廩七十間在衙署東北教場房三
間火藥庫一間左右翼官學各三間俱係兵丁先
後修建乾隆七年以後動用官項修理

渾春駐防康熙五十四年蓋造衙署雍正五年蓋
造學舍衙署前餘地為官兵操演之所倉廩三所
十二間各房俱係兵力先後修建乾隆七年以後

動用官項修理

阿爾楚哈駐防雍正五年蓋造學舍六年蓋造衙署七年建設城池計城週圍七百四十五丈計五里半教場離城半里週圍二里乾隆五十九年現存副都統衙署三十七間住宅三十六間義倉二所十三間教場房三間學舍三間

拉林駐防在阿爾楚哈西南七十里協領營房十六間倉廩六所六十間義倉三所三十間在協領

營房東北教場房三間在營房東南俱係兵力先
後修建乾隆七年以後動用官項修理

以上吉林將軍所轄

黑龍江駐防康熙二十三年建外城週圍三面長
九百六十丈高一丈七尺城門五堆房八所建內城週
圍五百九十丈五尺高一丈六尺內外立木中間
填土四面四樓門堆房四所建造將軍衙署大堂
五間司房十二間二門一間大門三間二十九年

將軍移駐墨爾根其衙署遂為副都統衙署三十四年題准黑龍江將軍所轄官兵內有新滿洲錫伯索倫達呼爾等應於墨爾根地方兩翼各設學一處學舍該將軍撥給雍正十三年於城南二里舊倉地內新修倉廩十二座每座房三間教場房三間裝船隻物料房九間看船堆房看庫堆房各二間火藥庫四間堆房二間稅課司房四間耆役堆房三間檔房八間永積備用倉二十八所各三間

公倉七所各五間堆房十間乾隆元年至五十九年先後添建副都統衙署二間檔房一間副都統住宅十六間炮房十間銀庫及堆房四間學舍四間永積備用倉一百四十二所各三間公倉十三所各五間堆房二間

先農壇房八間

墨爾根駐防康熙二十五年建外城週圍四面長一千五百四十一丈高一丈六尺城門五堆房十六間

內城照黑龍江式週圍五百九十丈五尺高一丈六尺內外立木中間填土四面四樓門四角四樓堆房八間二十九年將軍自黑龍江移駐墨爾根建造衙署大堂五間司房十二間二門一間大門三間住宅十六間三十八年將軍移駐齊齊哈爾其衙署遂為副都統衙署添印房二間銀庫二間堆房二間稅課司二間檔房十二間雍正十三年於城南半里設倉廩八座每座三間設烏鎗房棉

甲房各二間教場房三間炮房七間堆房二間火藥庫四間堆房四間船隻物料庫七間堆子四間管街前鋒堆房二間番役堆房二間又收租官房五所二十二間乾隆二年設

先農壇八間九年設學舍四間五十九年計通積脩用倉七十七所二百三十二間堆房一間公倉三十九所一百一十八間堆房四間

呼蘭駐防原設城守尉衙署共十四間兵丁房共

一千間乾隆元年至四十四年陸續添設城守尉衙署左右司房各三間儀門東西耳房四間城守尉住宅十二間銀庫二間堆子二間獄房三間軍器庫二間教場房三間船隻物料庫二間堆房二間恒積備用倉三間樓倉二十所共六十五間坯倉五十八所共二百九十間

齊齊哈爾駐防康熙三十年奏准於卜魁立城為省會之地外城四面長一千六百二十丈五門用

磚砌內城照黑龍江式週圍五百七十八丈高一丈六尺內外立木中間填土四面四樓門將軍衙署大堂五間司房十二間二門一間大門三間係三十二年建至三十八年將軍自墨爾根移駐齊齊哈爾四十五年添造大堂後房三間穿堂五間司房三間庫司房銀庫堆房檔房各三間又將軍住宅二十四間都統住宅十六間進

貢食物房三間倉官司房二間印房二間收刑具房

二間炮房九間火藥房六間教場房五間稅課司
房二間匠人當月房五間戰船物料庫二十六間
看城看庫看船看街各堆房共六十六間各檔房
三十五間其兵丁住房皆係各自修造乾隆元年
以後又陸續添蓋將軍衙署房五間進

貢食物房三間裝棉甲烏鎗樓六間裝盔甲房六間
官學房五間炮房二間烏鎗房二間火藥庫四間
獄房十五間各檔房堆房共十二間廣積備用倉

五十九所共二百九十五間公倉十五所共九十
五間又原有值年御史房九間於十二年裁汰三
十年變價原有取租房五十三間半於六年撥給
無俸醫官八間二十八年變價三十間半三十三
年增買七間現存三十間

呼倫貝爾駐防副都統銜總管衙門十九間住宅
十六間教場房三間軍器火藥庫四十三間堆房
八間俱雍正年間設立

管理索倫達呼爾打牲總管衙門二十間教場房
三間滿洲總管衙署十二間索倫總管衙署十二
間達呼爾衙署十二間俱康熙年間設立

以上黑龍江將軍所轄

謹案黑龍江吉林二處將軍所屬駐防舊志同
盛京將軍所轄俱在順天之後外省之前今併移於
此

科布多駐防乾隆二十九年三月設將軍一員衙
署一所共房六十二間叅贊大臣二員衙署二所

每所三十二間侍讀一員住房十八間司員三員
各住房十四間佐領一員住房十六間驍騎校一
員住房十間建立城垣東西長二里餘東南西門
三座城樓四座二十九年八月城內前街建立營
房十間印房公所正房五間三十年四月內後街
建立倉廩庫房一百二十間三十七年春添建倉
廩軍器庫房六十間四十四年春添建倉廩三十
間倉廩庫門共四間四十六年春前街添建倉廩

四十間大門一間圍牆房間俱係土築三十年春
建立禁地房五間又屯田弁兵自行建蓋房一百
八十五間

欽定八旗通志卷一百十六